

Mizo - Agape Lehkha Thu - God's Love Letter Scriptures

Johana 15:9 "Pain mi hmangaih ang bawkin kei pawhin ka hmangaih che u hi; ka hmangaihin awm reng rawh u.

Isaia 43:1 Tûnah erawh chuan, aw Jakob-hote u, LALPA, nangmahni siamtu leh, aw Israel-hote u, nangmahni dintu chuan heti hian a ti: "Hlau suh u, ka tlan tawh che u hi; in hmingin ka ko che u a, ka ta in ni asin.

Jeremia 1:5 "Pum chhûnga ka siam hma chein ka hria che a, Chhûl ata i chhuah hma pawhin ka serh hrang che a, hnamte hnêna zâwlneiah ka ruat tawh a che," tiin.

Johana 15:16 Nangnin mi thlang lo, keiman ka thlang zâwk che u a, va rah tûr leh in rah awm reng tûrin ka ruat bawk a che u; ka hminga Pa hnêna in dîl apiang a pêkna tûr che uin.

3 Johana 1:2 Duh tak, i thlarau chuan malsâwmna a hmuh angin, engkimah malsâwmna i hmuh leh i dam theih nân ka ɻawngtai ɻhîn a ni.

Isaia 43:4 Ka ngaiha hlu tak in niha, mi zahawm tak in nih bawka, ka hmangaih bawk che u avângin, nangmahni aiah mite ka pe ang a, in nunna aiah mi tin ka pe ang.

Jeremia 31:3 Hmânah ka hnêna LALPA lo lang chuan heti hian a ti: "A ni, hmangaih tâwp lovin ka hmangaih chia; Chuvângin, lainatnain ka hruai haw che.

Hosea 11:8 Aw Ephraim, engtin nge ka thlauhthlâk theih ang che? Aw Israel, engtin nge ka thlah theih ang che? Engtin nge Adma angin ka siam theih ang che? Engtin nge Zeboiim angin ka awmtîr theih ang che? Ka chhûngah ka thinlung a inlumlet a, Ka khawngaihnate chu a inchhêm vâm ta zâwk a.

Johana 3:16 Pathianin khawvêl a hmangaih êm êm a; chutichuan, a Fapa mal neih chhun a pe a, amah chu tu pawh a ring apiang an boral lohva, chatuana nunna an neih zâwk nân.

Isaia 49:15,16 "Hmeichhiain a fapa, a rîla rah chu, khawngaih lohna tûrin a fa, a hnute hne lai chu a theihnghilh thei em ni? Thei e, chûngte chuan an theihnghilh a ni thei e; nimahsela, kei chuan ka theihnghilh lo vang che. 16 En teh, ka kutphahahte hian ka ziak che hi; i kulh bangte chu ka hmaah a awm reng a ni.

Isaia 41:13 Kei LALPA in Pathian hian, 'Hlau suh u, ka ɻanpuí dâwn a che u,' tiin in kut ding lam chu ka chelh dâwn si a.

Matthaia 28:20 thu ka pêk zawng zawng che u pawm tûrin zirtîr rawh u. Tin,

ngai teh u, kei kumkhuain, khawvél tâwp tleng pawhin, in hnênah ka awm zêl ang," a ti a.

Johana 14:1 "In thinlung mangang suh se; Pathian in ring e, kei pawh mi ring ve rawh u.

Isaia 41:14 Nang Jakob changpât leh Israel mite u, hlau suh u, ka ṭanpuí ang che u," LALPAN a ti, nangmahni tlantu che u chu Israel-ho Mi Thianghlima chu a ni.

Isaia 43:2 Tuite in dai kai lai pawhin kei in hnênah ka awm ang a; luite in dai kai lai pawhin a chîm pil lo vang che u. Meia in kal tlang lai pawhin in kâng lo vang a, meialhin a tialh hek lo vang che u.

Sâm 23:1-6 LALPA chu mi vêngtu a ni a; Ka tlachham lo vang. 2 Ani chuan hlobet hring dup hmunahte mi bawhtîr thîn a; Chawlhma tui kamahte mi hruai thîn. 3 Ka nunna hi mi siam ṭhat thîn a, Ama hming avângin felna kawngahte mi hruai thîn. 4 A ni, thihna hlim kawr ruam zawh mah ila, Thil ṭha lo rêng rêng ka hlau lo vang; nang ka hnênah i awm si a; I talhtum leh i tiangin mi thlamuan thîn a ni. 5 Mi dotute mit hmuah ka hmaah hian dawhkân i buatsaih thîn a; Ka lu hi hriak i thih tawh a; ka novah hian a liam reng a. 6 Matheilovin ṭhatna leh ngilneihnain ka dam chhûng zawng hian mi zui zêl ang a; Tichuan, LALPA inah kumkhuain ka awm reng ang.

Johana 14:27 "Thlamuanna ka hnutchhiah a che u; keima thlamuanna ka pe a che u; khawvélín a pêk angin ka pêk loh che u hi. In thinlung mangang suh se, hlauh pawh hlau suh se.

Philippi 4:7 Tichuan, Pathian thlamuanna, rilru rêng rênga hriat sên loh khân, in thinlung leh in ngaihtuahnate chu Krista Isuaah chuan a vênsak ang che u.

Thufingte 3:24 I mut hunin i hlau lo vang a, A ni, i mu ang a, tui takin i muhîl ang.

Sâm 4:8 Thlamuang takin ka mu ang a, ka muhîl bawk ang; LALPA, nangmah ngei hi a ni, Mahni chauh pawha him taka mi awmtîr thîn hi ni.

Sâm 33:18 Ngai teh, LALPA mit chu amah ṭihtute chungah chuan a fu reng thîn a, A ngilneihna beiseitute chungah chuan;

Rom 5:2 amah avâng vêk chuan he khawngaihna kan din nghehnaah hian rinnain kan lût ta a; Pathian ropuina beiseiin lâwmin i awm bawk ang u.

Isaia 55:12 Hlim taka chhuakin, thlamuang taka hruai chhuahin in awm dâwn si a; tlâng liante leh tlâng tête chuan in hmaah hla an sa chhuak phut ang a, phûl thing zawng zawngte chuan an kut an bêng bawk ang.

Johana 16:22 Tin, tûnah nangni in lungngai e; nimahsela, ka hmu leh ang che u a, in thinlung a lâwm ang a, in lâwm chu tu mâñ an lâksak lo vang che u.

Luka 12:9 Nimahsela, mite hmaa mi phat chu, Pathian vântirhkohte hmaah phat a ni ve ang.

Matthaia 10:30 In samzaite lam pawh hi chhiar vek a ni asin.

Isaia 54:10 Tlâng liante chu an kal bo vang a, tlâng tête chu sawnin an awm bawk ang; ka ngilneihna erawh hi chu i lak ata a kal bo lo vang a, ka remna thuthlung chu sawnin a awm hek lo vang,” LALPA, a khawngaihtu che chuan a ti.

Matthaia 11:28-30 “Nangni thawk rim leh phurrit phur zawng zawngte u, ka hnênah lo kal ula, keiman ka chawlhtîr ang che u. 29 Ka nghâwngkawl bât ula, ka hnênah zir rawh u; thuhnuairawlh leh rilrua inngaitlâwm tak ka nih hi; tichuan, in thlarau tân chawlhna in hmu ang. 30 Ka nghâwngkawl chu a nuam a, ka phur pawh a zâng a ni,” a ti a.

Hla Thlan Khwâmte 2:10 Ka duh tak chuan heti hian mi ti a: “Tho la, ka hmangaih, ka enchimloh, lo kal ta che,

Hosea 2:14,19,20 “Chuvângin, ngai teh, ka thlêm ang a, thlalêrah ka hruai ang a, Ngaihawm takin amah ka bia ang. 19 Kumkhuain ka tân ka hual tlat ang che; Felna te, rorêlna te, khawngaihna te, lainatna tein, Ka tân ka hual ang che; 20 Rinawmnain ka tân ka hual ang che; Tichuan, LALPA chu in hre tawh ang.

Exodus 3:14 Tin, Pathianin Mosia hnênah chuan, “Nangin Israela thlahte hnênah chuan, ‘AWMA chuan in hnênah mi rawn tîr a ni e,’ i ti tûr a ni,” a ti a.

Hosea 13:4 Kei erawh hi chu Aigupta ram aṭang tawha LALPA i Pathian chu ka ni a; Kei tih loh chu Pathian dang i hre ngai lo va, Kei lo hi chu chhandamtu dang an awm lo.

Johana 15:14 Thu ka pêk apiang che u in tih chuan ka ṭhiante in ni ang.

Johana 14:6 Isuan a hnênah, “Keimah hi kawng leh thutak leh nunna ka ni; keimaha kal lo chu tu mah Pa hnênah an thleng ngai lo.

Thu Puan 3:20 Ngai teh, kawngkhâr bula dingin ka kik hi; tu pawhin ka aw hriaa kawng a hawn chuan, a hnênah ka lût ang a, a hnênah zanriah ka ei ang a, ani pawhin ka hnênah a ei bawk ang.